

من أنادي حسين دمعى ينهمر ابلا شعور
ما يطيب العيش بعده منعدم طعم السرور
حين اشوف الماي أذكر عطش قلبه المنفطر
ما رشف قطرة اميّه چبده جمره تستعر
باله بعياله انشغل يدري العطش فت المهج
راح كافلها يجيب الماي تترجّى الفرج
عينه صوب العلكمي ينشد أبو فرجه الشهم
صاح يا كبش الكتيبه انهض يحمّاي الحرم
شالبصر بالنار لو شبت على خدر النبي
كان كل خوفه على النسوان بعده تنسبي
عندي موقف في خيالي سوّه بقّادي جرح
حين رفعوا الراس يم زينب على ذروة رمح
دم ودج خيها تشوفه شلون خضب شيبته
عجبه ما ساخت سماوات العلى لمصبيته
أبچي لمصابه ذبيح موذّر بوادي الطفوف
ما حضر جناز يجهزه شيّعت جسمه السيوف
أنه لمتيم خلقني ربي لجل أبكي الحسين
أخدمه واتبع طريقه سيدي ابن الخيرتين
مثل عشقي أبد ما يجري على كر الزمان
الله يكتبني بجواره مسكني بأرض الجنان